

Chattar las perlas dal profit zuppà

DA FLAVIA HOBI

■ **Temp en il tren. Duess jau ussa lavurar, alur fiss la lavur gia fatga, u durmir, alur avess jau suenter dapli energia per lavurar u duess jau simplamein tadlar musica e guardar or da fanestra?** Lura avess jau er insatge da quella bella cuntrada. En tut questas decisziuns grondas e pitschnas che nus avain da far quasi nonstop è profit in cumpogn stedi.

Gea, per esser sincera – jau survegn schletta luna sch’jau hai il sentiment ch’jau na vegnia betg vinavant e ch’jau stettia airi. E cunquai che nus vegnin en x-ina furma davent la naschientscha fin la mort accompagnads dal profit, ch’ins profitescha sin ina moda e maniera dapertut e da mintgin, na vi jau betg raquintar da situaziuns ch’jau hai pudì profitar. Mai fatschenta in’altra dumonda:

Tge faschain nus cun noss profit? Cura elavur’ins tut las experientschas ch’ins sa lura vairamain profitar e quant dal profit va a perder be perquai ch’ins cura adina suenter al proxim profit? N’èsi betg donn sch’ins profitescha senza ch’ins è conscient da quai? Forsa pertutga quai plitost il champ spiritual, economicamain è quai mintgatant pli vesai: Sco uffant eri in highlight da survegnir dus francs ad emna daner da satg, pia vulevan 30 francs dir 15 emnas spargnar senza cumprar insatge. Sch’jau hai oz dus francs dapli en la bursa u betg sent’jau strusch. Dentant è il sentiment dad avair dà dus francs (era sch’i èn «be»



dus francs) ad in um senza tetg in bun sentiment – in grond profit spiritual encunter ina pitgna sperdita economica (che fiss pli baud stada pli gronda). La muntada, l’impurtanza ch’ins dat als differents profits e lur barat sa midan e sa sviluppeschan – els èn probabel uschè individuals sco ils individis sez. Ed en general, savair ch’auters han pudì profitar da l’agen profit fa bain exact u anc pli cuntents.

Pudair profitar e laschar profitar dirigan noss svilup. Ed anc dapli sch’ins chatta ils profits ed è conscient dad els. Jau sun persvasa: Mintga saira vegn ins da rimnar in entir glas plain perlas da profit. Ed il meglier furm’ins gist ina chadaina ordlonder – ma betg emblidar da prender or ella tranteren e da purtar la chadaina empè da laschar en il glas e deponer giun tschaler, là profitass bain pussaivel be l’ir en mal.